

頤

綵

堂

文

集

自序

余年十五好爲古文辭都無師授以意仿古人體戲爲之  
今亦猶有存者溟螺集是也三十後賣文鬻筆以爲生  
輦下羣公目爲嘔心餽頰非應制之作卽與人爲駁雜無  
實之說壓線集是也至丁未登第改官請養南歸而歲月  
光陰始爲我有斯集其發軔也宋景文有云爲文似蘧瑗  
年五十知四十九年非及年六十始知五十九年非其庶  
幾至於道乎每見舊所作文憎之必欲燒棄梅堯臣喜曰  
公之文進矣觀景文所記抑伊川六十以後不得已而著  
書不益信乎叔挺痛失高堂虛周甲子祥琴倏屆風木纏

同治二年三月  
悲於哀苦劬瘁之餘杜門謝客手自編排乃亦有不忍盡  
棄焉者何則余之文大半循陔時作過此以往則草土餘  
齡而已矣頤綵堂者老母在日舊廳事亦嘗倣閩廖氏之  
世綵吳許氏之壽綵仍其名識不忘也乾隆六十年乙卯  
嘉平望日棘人沈叔埏

頤綵堂文集目錄

卷一 賦

平定兩金川大功告成賦

聖主四幸清涼恭擬

五臺斂福賦

謹序

擬謝莊月賦

擬李白愁陽春賦

擬李白惜餘春賦

擬李白悲清秋賦

烈婦賦

卯女賦

節母賦

貞媛賦

有序

雙節賦

徵夢出山二圖賦

兕觥歸趙賦

有序

卷二 頌 七

聖主五巡江浙迎

鑾恭頌

謹序

聖駕四詣盛京祇謁

祖陵禮成恭紀

擬七徵八首

卷三 考 釋 論

三墳五典八索九邱考

明文淵閣考

射潮考

廣陵散考

釋例

六國論

周世宗論

元明辨亡論

卷四 說

亢龍說

首種說

郡縣志冠紀年說

吳會說

括州說

肅成堂說

文信國不應稱丞相說

學吃虧說

世南印文說

湖船說

卷五 書 記

與友論散體文書

與王榕軒吏部論任華劉又書

與任子田禮部論陳同甫書

秀水縣學移建崇聖宮記

記半環老人賢行人一統志事

先王父東谿公死孝記

先王父山茶梅鵲畫記

先王父回道人像題款記



先王母麗安人畫像記

先贈公畫像記

嘉會都福星橋祖塋墓田記

外王父母暨兩舅氏墓記

先王母麗安人墓記

重建奚家橋記

綿潭山館記

錢南浦觀察家慶圖記

杭城衆安橋興福廟記

精嚴寺重建殿堂廊廡方丈房寮及新置常住田碑

記

記長興徐文貞墓

柰山遊記

法源寺看菊記

記甲申冬焦山遇風

記乘驟子埕

記丙午北上丁未南還途次遇盜事

卷六 序

河洛精蘊序

丁小山漢隸字原考正序

葉石樵楓六書分類序

杭堇浦先生道古堂集序

賀舍人遺集序

倪學博九山類稿序

舒鐵雲位春秋樂府序

漆園吟序

新溪翁氏宗譜序

繼聲錄自序

環韻自序

古今同姓名錄自序

安定五考自序

師範考

樂學考

弟子考

世系考

祠墓考

太上感應篇印章序

重刊敬信錄序

卷七 引 贈送序 壽序

汪宜舫伯仲七業圖引

陶東籬鷓鴣吟引

秦溪清讌圖引

城南范湖重舉放生會引

策蹇曉行圖引

送王解元暫歸蜀中序

贈莊生雋甲就婚汝州序

趙緘齋先生暨配葉恭人六十雙壽序

陳近光先生八十壽序

蓮塘老人八十壽序

戴母潘太孺人七十壽序

叔母李太孺人八十壽序

李母沈太孺人八十壽序

卷八 跋 書後一

御製詠如意各體詩恭跋

御筆仿李迪雞雛待飼圖恭跋

跋曾子子思子

跋子華子

山谷刀筆跋

陳誠齋讀史隨筆跋

明陸太常手書詩卷跋

跋姚慧田先生夜雨圖卷

跋嚴司農與王夫人琴言倡和詩冊

姚侍御書祿里字後跋

七世祖愛溪公手蹟跋

跋自書雁湖陶氏修復洛山墓田碑記卷

書東陽李氏春秋紀傳後

書自補唐會要手稿後

書漫堂鈔本唐闕史後

書魯秋脞補宋史諸簡公遺事狀後

書姚尚書手纂史記精要後

書諸史提要後

書朱桓堂明經揚子年考後

書教稼書後

書太真外傳後

書安祿山事蹟後

書金石例後

書草莽私乘後

書直齋書錄解題後

書天一閣書目後

卷九 書後 二



書重編武安王集後

書程應壯公像誥傳譜卷後

書王右丞集後

書諫迎佛骨表後

書寇忠愍詩集後

書鄖溪集後

書灌園集後

書山谷集後

書都官集後

書騎牛圖後

書東堂集後

書斜川集後

書尹肅公集後

書浮沚集後

書洪龜父集後

書蒙隱集後

書宗忠簡公集後

書湖山集後

書鴻慶集後

書香山集後

書安陽集及遺事別錄家傳後

書九華集後

卷十 書後三

書北湖集後

書南湖集後

書趙文節集後

書靈巖集後

書鶴林集後

書龜谿集後

書白堂存稿後

書青山集後

書架菴集後

書畏齋積齋二集後

書瓢泉吟稿後

書陳隱君勉學詩後

書鷺湖集後

書遜志齋集後

書呂文懿集後

書懷麓堂集後

書王文恪集後

書鄭春寰集後

書甫田集後

書文衡山送周君還吉水敘後

書姜太常楷書冊子後

卷十一 書後

四

書沈楊兩忠愍集後

書楊忠愍贈應黃州冊子手蹟後

書鈴山堂集後

書朱文恪集後

書朱文肅集後

書靈山藏詩後

書保閒堂集後

書敬亭集後

書心學大成後

書永樂陶氏世譜後

書馮具區精嚴寺重建鐘樓碑後

書孫僉臬雲山履歷冊後

書同胞雅會圖後

書雕蟲賦後

書綵衣集後

書改亭集後

卷十二

書後

五

疏

箴

銘

贊

書魏環溪李安溪贈陸清獻詩手蹟後

書沈荪林廉使請毀明逆閹王振塑像疏後

書椒園臬使所作族兄沈泰叔傳後

書竹垞圖後

書玉峯諸公寄吳漢槎十札冊子後

書梁文定公自訂年譜後

書稽文恭公自訂年譜後

書谷觀察餘生記畧後

書周孝廉謁護國帝君廟記後

勸募同善會疏

真如寺募建五百羅漢堂疏

擬畏言箴

幃燈小幟銘

三首

讀書燈銘

錢宮傳贈磻村硯銘

童子試硯銘

端明硯銘

唐六如澄泥硯銘爲王清芬作



豐下硯銘

何松岑鐘硯銘

李芬谷盤谷硯銘

蕉葉白硯銘

鹽倉方菴兄

志虔

贈硯銘

端溪荷葉硯銘

高文恪硯銘

石子硯銘

吳旃園半月硯銘

芝雲硯銘

羅解元硯銘

葛杖跋硯銘

贈子萬端溪硯銘

樹根葫蘆如意銘

浙甕銘

多孝廉慶辛巳生人印章銘

吳門李德馨孝行贊

屈敦吉比部

樹榮讀易圖贊

凌芳谷像贊

許慕陶雲泉松石圖贊

孝行曹容齋遺照贊

東陽張尉西垣

奎

家慶圖贊

石蒼琦五表兄小影贊

陳翁南州遺像贊

集字魁星贊

南極多壽圖贊

丹青友張遠道士自寫像贊

從曾祖功尚公像贊

從曾祖妣節孝厲太君像贊

卷十三 傳

後唐張忠愍公傳

項襄毅公外傳

明經紀靜齋先生傳

俞忞菴先生傳

明府敬齋吳君傳

金濟菴先生傳

姚蘆涇先生傳

席母顧太恭人傳畧

錢母尚恭人傳畧

節孝端木母袁太孺人傳

節孝徐孺人傳

貞孝石長姑傳

史烈女傳

卷十四 墓志銘

太子太傅刑部尚書晉贈太傅入祀賢良祠諡文端  
香樹錢公墓志銘

直隸總督贈太子太保入祀賢良祠謚清獻愚谷袁  
公墓志銘

戶部山西司員外郎守樸席君暨配蔣恭人墓志銘  
國子監博士充四庫全書總校官議敘主事茗花徐

君暨配汪朱兩恭人墓志銘

朱竹友明經暨配孫孺人墓志銘

族世父蔚菴沈公暨配戴孺人墓志銘

節孝施母沈孺人墓志銘

卷十五 家傳 行述

十世祖用霖公九世祖梅石公家傳

八世祖禮部公家傳

七世祖爰溪公家傳

六世祖愉亭公家傳

六世伯祖鄉飲公家傳

高伯祖鄉賢公家傳

叔祖學正可山公家傳

從曾祖姑朱節母家傳

節婦仲孺人家傳

節孝厲孺人家傳

節母倪孺人家傳

顯妣石太宜人行述

亡室孫安人行畧

卷十六 祭文

公祭大學士于文襄公文

祭方恪敏公文

祭熊滌齋太史文

公祭內閣侍讀學士雷快亭先生文

公祭王母吳太夫人文

同館公祭嵩母趙太夫人文

祭蕭侍御際韶母趙太恭人文

同鄉公祭邵母袁太孺人文

同鄉公祭祝母沈太孺人文

公祭周母方太夫人文

公祭徐母袁太安人文



祭娥母石太君文

祭席母蔣恭人文

哭奠文學四兄崑桂公文

顧綵堂文集目錄終

頤綵堂文集卷一

秀水 沈叔埏 埴爲

賦

平定兩金川大功告成賦

有棘下談士問於石渠典司曰蓋聞古帝王之撫荒服馭  
蕃畿也達其聲教示以羈縻其帖息則慎固疆圉而非求  
拓土其入寇則逐之出境而不勞我師黃唐暨乎闕闕渺  
知載在宵雅獫狁于夷城朔方以爲守備至太原而不窮  
追豈若漢之踰烏鰐過焉支封狼居探符離必斥斥芒芒  
而勤民於遠爲於鑠哉

聖皇丕凝景命孔厚販章控元黃未闢之域服

祖宗未臣之邦

叶

犁伊犁城庫車喀什哈諸城

叶

于闐河

爲我沼沚拔達山爲我巨防鄙人且以是爲遑蹕乎熊泉  
丹浦趲起乎有苗鬼方庶幾戢戈而偃伯端拱而垂裳已  
若金川者錯牙於弭頭禿髮易種於旄牛冉駝每相尋於  
蠻觸恆負固於邛籠經

王師之撻伐旋登壇而受降昔何忼我紘綱今何膏我斧  
登設云耨苗而櫛髮奚又摧木而撥麤豈豫留未蕝之前  
績而期副克艱於後庸有一於此走竊嘗焉子大夫亦有  
以牖我愚而開其翫乎司籍乃盱衡而言曰子所謂觀坐

井之天而未覩穹窿之蓋也守燭火螢燭而未見日中月  
隆之與星羅宿列也子盍越攀拘而馳域外獨不聞趙  
拉促浸之自稔厥辜不容於覆載乎士曰走僻處海裔卽  
有聞弗之悉也請述其概司籍曰繫九土司爲藩蜀界槃  
芽其間郎卡爲最恃衆且強屢侵鄰寨曰索諾木貊熊實  
類曰僧格桑澤旺所恃始則相仇繼以女妻同爲竄竄久  
成狼狽之二酋者如蟥如蠅血人於牙又如禺禺並狡焉  
而思啓恣薦食於諸蕃

聖主厯如傷之在宥用西顧而憫然念罔遺於殊域將並  
育於黼黻數

宣諭以福禍詎怙惡之不悛忍弱小之見并於强大而  
王國不爲之聲援脫毫末之不札而尋斧無補於蔓延彼  
一夫之不獲猶納陞以自急矧

聖人之建極廓覆露於無垠爰是樹參旂以示伐盪井絡  
之封陲既籌餉而裕饗遂禡牙而指旗簡方召以授鉞董  
臯貔而摠師約分道而采入祗除醜而憺威斯固悅民心  
以犯難先天道而弗違抑古人云有不共者必諄諄告教  
於文辭至於再至於三不可戒諭而後征之洵用武之非  
得已寧議於草野之不知士曰否否走聞趨敵者勞待敵  
者佚斂衆拒險積月不拔昔在己巳師臨其窟固嘗審知

其地圖不可疆場於戎索叶若夫桃關之巘天射之岵其  
山則槃回錯崔崆峒嶢刺巖陲窺竊罪鬼屹嶠蔽以林箐  
綿濛軋芴或巖嶙而纏聯或崔淩而窞折陬嶮領其隱天  
聚而巢夫截巢其束馬懸車則孤竹之瞠關也其塹山堙  
谷則九紵之縈折也其步持紵引則闕賓之陞碑硯也其  
倫狼藏嶧則祚都之居窟竅也其天梯石挺崇標回日則  
又伏凌之陰崖凝冰鉢和之銀峯積雪也故曰蠶叢魚鳧  
五丁開之而未畢漏閣飛關一夫守之而莫遏今欲埽其  
閭而遏其穴所行甚遠所攻甚難抑恐彼倣傚之升木叶  
復如鹿之匿谷叶師淹餉糜功曷由訖司籍曰古者杆不

穿皮不蠹則不出於四方信如子言則是築蒙阮之圍六  
制阻於弗庭據井陘之道九伐詘於憑陵也侯以靖邊烽  
侯以震

天聲且子亦見我

皇之雄圖神策電發而風行乎其山川阨陬襟憑背負如  
聚米觀火而坐照於萬里之程也其風雲鳥蛇批亢擣虛  
如握機秉鈐而決勝於三軍之形也況不慙不諛者必克  
之征而伐逆伐險者萬全之兵夫逆酋之所恃者礪耳我  
中黃期門之士躡雲梯肉薄而登城向之超距於西山之  
麓者拗長技而未逞厥雄叶於時帥臣一心士卒號怒跳

盪之軍盡銳以赴耀霜鋒以彗雲走豹騎而雷野叶絳天  
闕於朱旗咽川江於白羽破約咱而賊父禽殲收美諾而  
逆黨駭瞿會小挫而益厲因乘勝而剪除儼十陟而九登  
爭攀援而騰翥接垂繮而直上推褰瓊而徑度前著翹而  
壁飛後踊身而陵遽洎梯衝之並進遂火緼之迭舉或倚  
角而設覆或銜枚而假路有屯土之傾心率餽饋而來迎  
叶超重轡而廋疏荷長戟而載驟叶譬虞人之鼓圍快刃  
攢而矢注任獬狻與猛噬亦脫角而挫脰叶核捕鹵之過  
當曾不可以計數業斬馘而叢摧見虜骸之撐拄逮出獻  
夫窖屍紛僮僮而諄籲抗兇愍之逋殘留先零之叛首叶



鼓士氣而益振盪輦檐之謹豎俱植髮而披榛亦裂背而  
衝刃逼鳥巢與獸陸乃護栖而愈固徙三窟而終窮馳九  
折而必捕迺犀弩而密排鼓革船而徑渡洵天獄之莫逃  
竟地險之失據

聖主用嘉夫師武臣力而又恐獮薶之過多盡傷於煦嫗

也於是頒尺一下明詔

叶

許軍門之傳檄戒葉街之盡誅

叶苟遮竄以效忠亦倒戈而予赦

叶

旣而我師進克勒烏

圍士謁於司籍口走今乃釋然於愚者之慮矣顧慙志則  
未也予大夫信之豫願聞其故司籍口

大聖人潛運睿算獨決神機謀先造化威極風雷余何敢

以一二測窺也雖然子姑俟之爾乃春王三朝羣后胥泊  
藩國奉費要荒執贄當覲於殿者莫不達臚人於王會九  
賓就列三揖在位庭實陳供帳置崇牙張韶武備萬樂興  
百禮暨

天子方布德始和

璇宮娛侍既貢豫於

慈寧復通情而下濟斯時也來軍書之絡驛盼凱奏之踵  
至際豐功之垂成眷戎行之勞勩懋賞格而先頒序五等  
之次第然後動大路乘時龍鳳蓋琴麗和鸞玲瓏鉤陳肅  
引天官景從用聳誠而望慕陟

橋山而告功省東作於畿甸覽民俗之時雍二月協吉

天行向東

乘輿巡乎岱嶽

雲罕臨於廟堂

叶

陋勒封之前躅惟展義而省方

叶

接山

川而禮上下揚緝熙而衍仁風

皇輿甫出而師克噶喇依露布達於

帷宮刮耳勒至氛廓殿空獲渠從二千餘人剋日來獻俘

衆

叶

士聞之曳屣而造於司籍曰鄙哉予乎幸見指南於

大夫願備聞上德之至善以補帝魁大庭氏之書司籍曰

予多識前載而昧於遠模夫帝者體太乙王者法陰陽稀

韋得之以挈儀而執象叶成鳩得之以持維而紐綱觀溫

肅之遞嬗知德刑之弛張迹前後之互異徵因天之

聖皇子試思之服而不舍何以懷遠方叛而不討何以綏

萬邦叶彼憑深而阻峭徒自取於滅亡商之盛也共球駿

厯白氐羌而來享叶周之盛也鸞鵠文翰自邱蜀而來王

豈不以撫馭之道得而詰戎之義彰也哉且子第狃於榮

古而陋今曾未暇論功而校德今試與子聳觀於九軌之

皇衢仰巍巍景翼翼而見夫

登崇受

釐則肆夏賚般不足夸其業叶也

勞還勤歸則出車杖杜不足侔其勤也執醜獻囚則采芑  
江漢不足多其獲也然且揆

宸章於饒吹則必思艱難而無斃也摘

乾文於辟廱則必鞏勞謙而貶抑也夫如是故行慶歸善  
慈寧爲之膺福

郊告

廟獻

神靈爲之悅懌

鴻澤普

皇恩治民欲得物望塞吾與子皆餐佩乎休風而相忘於

帝力也言未畢談士卑陋失所神藥形茹獵纓葉拱黎收而拜懽墨而謝曰淵矣燁矣

神謨顯矣濯矣烜矣

駿伐闡矣微子大夫教我我口戴天而不知天之高也我沐藉乎三光而不知其遠也今而後不復持挈瓶之卑惠逞炙輶之小辨矣退而掌錄之以識

盛典

聖主四幸清涼恭擬

五臺斂福賦

謹序代

臣謹案舜巡四岳封十有二山周官職方氏辨九州之山

頤綵堂文集

卷一

七

鎮冀州曰霍山并州曰恆山王肅云舜爲冀州之北太廣  
分置并州夏省并州合於冀州至周復置并州釋名曰并  
兼也言其州或并或設因以爲名太康地記曰并州不以  
恆山爲名而言并者其在兩谷之間乎晉書地理志亦言  
冀北徇并部之名據此則蔡傳所云分冀東恆山之地爲  
并州者可參互也五臺山界冀并間迴環五百餘里與霍  
恆爲伍恆往策闕焉厥迹顯於釋典見華嚴經疏柳宗元所謂  
與竺乾驚嶺角立相應者也考臺之列爲五者說者謂爲  
五方如來之座又言表大聖五智已圓五眼已淨總五部  
之真秘洞五陰之性源故首戴五佛之冠頂分五方之鬘

運五乘之要清五濁之災其東西南北四臺皆自中臺發  
脉蜿蜒纏屬勢挾龍行提婆達多陰巖積雪芳草蓊芟嘉  
木葱龍刹瑟蘭閣煥若列宿鐘魚法鼓響答雲外洵寓內  
之勝境詭觀也夫精一傳心至仁修己洞矚物理德被黔  
黎謂之御世之聖解脫塵劫證大涅槃慈育四生光清八  
嶽謂之出世之聖昔

聖祖仁皇帝以佛教清淨慈惠有裨勸善遠惡數經駐蹕  
茲山我

皇上以生安之姿兼賅藏海卽

佛長世率



祖攸行邇自丙寅之冬

初巡臺岳洎庚午辛巳

再幸靈山茲辛丑二月乙丑

二十日

皇上省耕畿表遂由真定隆興寺

瞻禮大士後

四巡代州重登五峙

臣

惟佛土以五臺爲震那方諸羣嶽

不少遜而人主以五福爲

皇極以嘏

萬年爲允宜矧夫以

古稀之天子詣希有之名山於以

受釐祇陀

錫福兆庶者哉又案十洲記蓬山鎮於寅丑史記天官書  
歲星右轉居丑五臺爲右輔藩屏高居辛位是役也

日馭歲紀自然符合

布德和令諸福駢臻

臣

備員詞垣疊蒙

恩命茲忝三晉持衡因獲就近祇迎

鑾輅仰觀

天顏曷勝慶幸職在校士用敢竊取經義將由筭疇衍之  
以至於那由他度洛又阿僧祇乃至算數譬喻所不能及  
而后富樓那

此云滿願

是則

微臣

區區祝願之誠也不揣慚學

敬獻古體

五臺斂福賦一篇

臣某

拜手稽首颺言

繫清涼之名山峙仙都於全晉互紫塞以環基屏

皇輿而作鎮鄰元嶽以侔崇接天池而瀉潤標龍藏以多  
奇聳雁門而望

幸溯白馬之東來遂青獅之西振豁摩騰之具眼寫勾龍

之畫管

叶

超寶界於三乘冠珠林於五印留自在之天宮

彙真如之法苑

叶

顧非

首出之至人奚以契羣真於一贊我

皇上嘗三至焉法

祖而

鑾輿屢駐卽曼殊師利之隨時應現也

章天而篇什倍增卽華嚴陀羅之數宣妙蘊也而

躬勤玉趾祈福元元則猶是三千大千康濟衆生之宏願也歲赤奮若月陽在辛乙丑諏日降婁值辰粵

聖壽初開乎八秩乃雲代

懋舉夫四巡望支那之國土遵鉅鹿之川原詣隆興之紺宇

禮大士於法雲於是滸沔水道祁山儼伊耆之封邑揭堯臺之嶙峋睇曹臺之蒼巘經颺颺之古村過鞍子之橫嶺

駐龍泉之雄關踰昂畢之天街歷井參而可捫蓋相距一章七閏而

翠華乃今四造其巔

帝登南臺以介景福則有洞光之珠樹焉金閣光閃以橫空錦峯綺紛而彌布佛燈隱現於洞中神鐘飛鳴於巖路問龜石以何來驗龍堆之既去循螺城盤旋之蹊沂虎陽發源之處梵瑄琅琅而谷鳴澗雪皚皚而峯素恍然見列聖之紛迎駕狻猊而暫駐執貝字以陳疇擎摩尼而獻璐爰登東臺以膺瑞福則有離岳之火球焉敞鳳林之春望抗鰲脊而獨高明同海岱之觀日列滄瀛之數州挂扶桑

而瞰出匯般若之源頭迴紫瀾之浩淼混青巖而沈浮立  
禪占青螺之頂引勝來白鹿之遊笠子藏真於窳堵竹林  
變幻而森修聚天城之與化寺擁紺殿而眩珠樓莫不雲  
蒸而霞蔚競秀而爭流泊登西臺而受豐福則有麗農之  
瑤室焉水捐痾而潤霄峯攀蘿而挂月石流影於對談池  
映光於洗鉢泥饌住習定之僧木叉稱秘魔之衲崖標婉  
變之飛昇洞識之而之出沒於焉蹠馬跡而訪獅蹤跨鳥  
門而探龍窟斯卽蓮井之千華香山之交樾無非初地之  
金繩聖涯之寶筏更望北臺以承猷福則有玉澗之瓊枝  
焉鳥屨自生夫雲氣峯巒上協乎斗魁

北臺名  
叶斗峯

當春雪之

新霽凌青霄而可梯浣衣餘九女之泉挂甲剩五郎之祠  
藏三世諸佛供養之器留十六應真顯化之臺往者  
皇上恤民力而省役廢

舊韻而寄題彼方延頸而企踵思觀

龐覲與方頤將見秦戲之山珠玉呈其氣李牛之谷花果  
殖其時既而陟翠巖臨戟谷叶與西北二臺駕肩疊迹南

俯晉陽東拱畿服叶我

皇登之以綏多福

叶

則有自明之金環光之壁焉一峯翔

起於單椒千嶂鬱盤於巨麓

叶

五溪分注於蒼崖雜花幡

纒於淨域藻澄太華之池苔繡寒山之石萬獅遊戲而成

窩九龍蜿蜒而隱曲

叶際

聖主之停鑾領衆峯之婉孌瑩古沼之玉花粲仙山之金

菊

叶

用是萬年冰孔吐其祥葩大寶浮圖騰其瑞色他如

山有四垂水名八度傳前王追暑之蹤署古德棲禪之阜

叶

環神阜與奧區徧精藍而丹牖

叶

珍木異卉不可悉疏

仙茆神藥惟人所取

叶

香滿旃檀之林種別娑羅之樹花

或雨以曼陀枝或贈於調御或藉同兜羅之綿或化自鉢

囊之布釘仙茵於銀盤爍金蓉於珠露一莖有大吉之稱

一瓣有祛邪之譽亦知呈媚茲於

天臨胥欲効迎禧於



舜步若乃

宸儀既展

帝車言旋

聖主方循行燕晉流覽郊甸

叶

則明庶而施惠散陽和以

字人

予蠲租而給復重聆風而采言摛

天藻之瑰麗疊

睿作之百篇懷唐風於蟋蟀之詠協虞狩於渚源之濱繩

祖武於迴龍之嶺仰

神弧於射虎之川

顧八陁之綿互翕渟沱而軌循眺太汾與勾注衛近塞以  
爲藩樂繁時之饒富嘉阜平之賑殷惟時康衢耆艾咸聯  
襁挾額於雁代之間構僧廬曰益壽剛仙草以延年於以  
繼嵩呼而申華祝臚晉問而洽

天歡然則羅五峯以供

一人之斂福又孰有廣於茲土而崇於茲山者歟敬作頌  
曰五巒繚邈翊

神京

叶

兮頂若覆孟鞏苞桑兮又如閣道秦階平

叶

兮縈

紆磅礴

祉祥長兮層巖穹岫

鴻麻昌兮卿雲晦  
靄放佛光兮後

后四至載篤其慶兮  
又申頌曰靈仙遊止  
數臺懷兮蔚有  
倒刺蜀戟岫兮未若  
茲境萃衆奇兮

時巡婁止邇

皇畿兮

降福資絃用

祈禱兮堯民擊壤衆熙熙兮巍然五臺皆春臺兮

擬謝莊月賦

卽次元韻

七子扈游南皮仰德不暇聯茵桂亭接席蘭榭歡補春朝  
賞新秋夜迺登神邱歷仙苑葱蒨平林陂陀長坂對高譚

以娛心聞清吹而憶遠於時東井河俠南極星躔寒商應  
候明月在天雜以嘲戲微以歌篇曰粲曰幹簡授令宣幹  
乃爲之賦曰臣北海軫陋抗志山樊雖荷旌命莫酬主恩  
臣聞闢道交絡纖阿是經嬋娟之輝姮娥之靈出丹淵而  
灼夜揚清耀而開冥隆姊事於帝闕著臣象於天庭雄雌  
畢聚苙望盈沖光能受日暈欲生風清虛署府廣寒名宮  
棲檐而玉宇聳彌節而金波融若夫山巔水涯林表木末  
掃石尊移批風帽脫筵誰徹於源潮榜自停於沙瀨羨圓  
影之團樂玩方暉之明藹珠斗分瑩碧灣借映纈藉如珪  
奩開似鏡雲淡坐涼露濃衣淨君王迴罷嬉遊撤醕宴迴

銀塗換璆縣去渚宮來綺殿桂香浮椒醕薦若迺萬竅驚  
秋衆工激韻搗彈並陳竹肉迭進厭繁響之喧囂愛清商  
之雅引於是度曲命唱選辭觀和或鼓雲池或奏靈阿孰  
翻白雪堪婉流波屬侍中之所善陶嘉月以新歌歌曰謁  
紫宸兮翔雙闕願託身兮依卿月戴恩光兮無時歇凌霄  
漢兮共超越浩歌將闕抒忱未畢一坐盡傾罔然若失又  
爲歌曰秋月落兮白露晞非佳人兮奚適歸登高發長嘯  
於以振吾衣魏文曰善爰飭右司鐫之文璧用介眉壽譽  
髦無斁

擬李白愁陽春賦

卽次元韻

春風東來柳與梅而爭春飄忽散漫何飛花澹蕩之愁人  
韶光迴而四極佳景踐而知新紅碧兮阡眠朝日豔而且  
鮮春水兮延緣鳴幽澗之流泉春草兮渺綿裏綠楊之結  
烟思無窮兮欲絕醉愁心兮徒然若乃趙瑟清聲蜀琴哀  
吟梁王明月謝氏芳林忽悲歌而遠望獨墮涕而摧心東  
風吹兮行雲回颺亂兮白雪坐此愁之如何集萬感於流  
節憶君迢迢兮隔水濱見無絲而夢有因寄遙影於綠波  
寫柔情於相親即使此曲可傳而不絕兮何由尋滿堂之  
美人

擬李白惜餘春賦

卽次元韻

流光欺人乍春去而春來兮留滯於何方花爛漫兮發色  
草芊綿兮流芳渺懷燕而望越極烟水之蒼茫燕南還兮  
寡偶鴻北首兮離行心寂歷而淚淋浪泛溟渤兮去沅湘  
蹇予身之獨往兮及青春而飛揚飛揚兮意無限嗟良覲  
兮莫展原埜秀兮一色醉春風兮似翦惜餘春之將殘補  
墜歡兮不淺漢有渼兮江有潭攀桃李兮思何堪拾瑤草  
於溜石綰綠楊於河南望不見兮心氛氲蘿冥冥兮霞紛  
紛結飄飄於霞想隨曳宕於行雲春每來兮花開花尚在  
兮春改弄逝川之倒景送落日於西海時不常兮弗可失  
傷遲暮兮衰疾繁使我多今日之煩憂卽棄我去之昨日

我所思兮誰與親鳳銜書兮入周秦見落花之滿樹兮羣  
鷺以詈人蹉跎兮辰良咫尺兮輕別緬仙真之長往送去  
影之欲滅求我春於清都勞此心以如結怨離居兮叢嗟  
涕橫集兮感年華凋朱顏於一夕謝春暉於無涯

擬李白悲清秋賦

卽次元韻

沆沆風兮瀟湘淵極洞庭之潏潏葉迎寒以辭樹雁流哀  
而響天客有失職而志不平兮悄焉動離愁之萬千於時  
白雲孤飛清漢曉沒臨風浩歌唯見落月懷美人於千里  
將厭楚而歸越長天淨兮江水秋猿噉噉兮心悠悠望蓬  
壺之超忽思掛帆於溟洲苦永路之不達眇滄波而增憂



莫我知兮此都不可以止些吾仍羽人於丹邱

烈婦賦

爲棟鄂氏作

繫女士之婉孌兮羌內則之夙嫻既蘊粹於名族兮遂作  
嬪於相門侍威姑於萬里兮經伊犁之山川曾弗離乎左  
右兮隨往返之征軒嗟人事之不齊兮藥砭遺疾而不痊  
步中庭而露禱兮每嘗藥而必親恨返魂之無術兮亟呼  
天而莫磨俟一抔之手築兮送脫輜於郊垌拜舅姑而泣  
請兮曰兒願同穴於佳城雖欲止之而不可兮疇其撓立  
志之冰清惟素秋之四日兮指天漢以爲盟欣侍養之有  
託兮奄畢命於絲繩仰柏舟之烈操兮導風教於宰衡微

婦德專一之至兮孰則能重義而輕生  
生與死見斯人之倫匹兮夫誰云苦節而不可貞  
聽紉謳之斷續兮使行路爲之沾膺謝繁翰以述美兮聊以流彤管之芳聲

卯女賦

爲張氏女淑儀作

懿清河之卯女兮纔十五之芳齡  
叶謝折花之戲劇兮羌內行之能敦  
侍母疇於官解兮闕俞跗與伯仲而差肩  
洎邱嫂仲兄相繼夭折兮感嗽上而疾更沈  
綿朝請藥於西姥兮暮則熱沈水而告天  
籲大士之拯救兮咒萬遍而難痊  
輕金刀之一割兮寧斷我肱而毋得延年  
碎肢肉以投沸鼎兮司命感而鑒觀驚二豎而潛遁兮  
迺踰月之少延

創旋合而艱於動作兮誓隱忍而不以告人微遺遺之目  
擊兮事在壺而誰傳嗟皮子之不強於道兮垂鄙孝之二  
篇有呂南公之追難兮可以補遺經之不言用父母之遺  
體濟父母之危瘼夫孰有訾以爲非者亦曰此賢者之過  
焉格於令而不得請兮鬱好懿之拳拳傷緩急之靡盬兮  
藉砭俗以還淳寫孝思於柔翰兮庶彤史之播宣

節母賦

爲同里明經曹大仝祖母作

仰譙國之大母兮樹郭邑之清標節歷久而彌芳兮至再  
世而始荷

榮襄母太原之女士兮幼嫻詩禮於衣幘闈中式其孝行

今年廿四而嬪于曹潔晨昏之羞饌兮躬井臼而親操佐  
良人以勤學兮燈熒熒於中宵未三十而歌寡鵠兮哭壤  
牆而誓殉重幽叶亡何念尊章之暮景兮遺孤方索乳而  
譟號強視息以從大義兮廼十指之增勞孤旣賴以成立  
兮瘁送往而手築一邱叶殫五十餘年之苦節兮集荼蓼  
於所遭摺已墜之門緒兮歎一髮之能牢邇家風之有自  
兮稟母教而悉本於巢昔孝廉之肥遁兮偃郊扉而藝匏  
託一尊以尋樂兮儼孔水而顏瓢惟

聖教之重焚倫兮

恩必逮於衡茅俾慶昌夫枝裔兮麗綽楔於雲霄理无往

而不復兮信天道之不誚願播美於管彤兮激薄俗而除澆

貞媛賦 有序

黃岡諸生王德馨女許字邑中邱氏子汝嚳年十七聞  
汝嚳訃汝嚳無父母有四幼弟女力請歸邱代撫之閱  
三年絕食死

懿西陵之貞女兮毓詩禮之清門王與邱其相匹兮締潘  
楊之良姻感中宵之噩夢兮醒猶屑涕而漣漣羌不言其  
所以兮豈來日之大難果詰朝之訃至兮請於父而願往  
憑棺雖墨車之中斷兮儼赤繩之曾牽無尊章以侍養兮

有四貌諸之差肩權家督而俾之遂長兮庶友悌之克全  
事遭變而難忍兮心摧絕於所天倘不遂其所願兮判隕  
命於膝前追歸邱而矢同穴兮整兩髦以踐一言突勝衣  
而就傅兮亦既盡予心之拳拳託疾疾而絕水漿兮日竢  
時而將還動青燈之刀尺兮手衣履而重紉強櫛縫以就  
木兮廼微笑而溘焉嗟蘭閨之一夢兮誓相見於重泉生  
不識藁砧之面目兮與趾離宜掛爲因緣洵女德之貞一  
兮假婦職於三年女未醮而婦之兮非宋共姬之所安爲  
日之以邦媛兮同烈士之捐生叶播詩歌於輶傳兮流激  
勸於冠紳采楚風於夏澳兮尚徵信於斯篇

雙節賦

爲汪龍莊作

采高行於越風兮仰平陽之二母生與繼以次來歸兮王  
暨徐同宛若之先後昔少府之仁廉兮宦洪泉之左右日  
省囚於圜扉兮求生全於械梏士一命而以此存心兮肯  
卑官於黃綬亟移疾而侍親兮藉薄田之百畝弟故從博  
徒遊兮廼負郭竟成爲烏有俄遭喪而墨經以行兮過嶺  
索尸饗之梁糗哭壞牆而遽隕所天兮隔歲返羊城之廣  
柳家四壁而外侮紛呶兮仗持門之健婦王母之愛逾所  
生兮譬軌匠琢成夫至寶叶曾轉慈而爲威兮督一經之  
師受每欲撻而涕零兮虛榘楚之在手糊楮鏹以告虔兮

致潔蠲於薦韭勗明誠之服膺兮約敝廬之世守匪善病  
以爲憂兮其奈依人而奔走謂調護少不周兮死胡顏以  
見厥考叶及孤子之登鄉書兮纔少紆憂心之如擣叶徐  
母之婉孌性成兮力親操夫井曰矢之死而呼天兮判摧  
身而碎首強抑哀而撫熒熒兮殫恩勤於懷抱叶伴夜績  
於篝燈兮課父書之熟否佐抑搔而扶持兮奉高堂以逮  
耆遇儉歲而彌艱兮匹布成而易穀三斗甘減箸以忍饑  
兮終吾身竭誠而事主叶聞綿悷之遺言兮猶煩難之在  
口嗟予交天下而媿知希兮晚乃覩同門之良友惟至行  
之可師兮曰是母而是子叶母匪子而弗彰兮子匪母而



曷保

叶

成其身以成其親兮質彭子之言而無忤

見二林居集書

雙節堂贈言後

碑版照耀於人寰兮至枋材而奚取

叶

感款託之

惓惓兮諾廿年而已久樹雙節之嶙峋兮峙兩峯而並壽  
聊徵信於管彤兮竊幸聖名以不朽

### 徵夢出山二圖賦

莊亭叔編修屬題令叔亦和

變

明府二圖因倣建安體

各爲小賦

繫達人之遠抱淵夢覺而無殊薪何爭於得鹿牧何與於  
維魚遡淳風於黃序寄斯世於華胥越成周之設官紛獻  
贈於史巫占八徵與六候體消息而盈虛曰有直而有象

勞著論於潛夫喻適志以差樂期索形而太愚懿昌平之  
賢牧蔚循良之令譽當牽絲之伊始兆乘傳之所如幻琳  
宮與翠堵揭馳馬而驅車逮旌麾之涖止憶夢境而堪摹  
敞軒牕之延綠對山色於軍都譬舊遊之重到信前定之  
非誣緬昔賢之故事傳芳躅於豆盧指夢中之隙地建一  
亭於三衢

唐豆盧署爲衢州刺史得夢中所指隙地建一亭名曰微夢見鍾輅前定錄

若鄭公

之使浙疏所夢於手書飾屋棟以黃土借賓佐而悉符或  
印加於劒外或絲挂於山隅俟得饒而得益將重感於斯  
圖

應郎官之列宿視望秩於山川由百里而千里較所潤之

近遠不崇朝而徧雨爲泰山之出雲本無心而離岫孰致  
謂於移文惟清濁之一水乃出處之攸關矧斯人之繫望  
忍置之於澗榮喜鶴版之赴隴寄銅章於撥煩承當塗之  
列剡儼

宸展之書名罷宓琴而再鼓捧毛檄而猶歡

涖雷封於紫甸踐花縣於玉京竹馬紛其來迓賓從聚而笑言洽于室

以鳴豫觀萬戶之息肩踵大阮之遺愛紹治譜之清芬

明府

涖大典卽胞叔南村先生舊治効馳驅於輦轂偶挂頰於

雲塘相國以細芬顏其聽事

西山遺官文之眯眼尋簿領之餘閒叅宦情於禪理證昔

夢與前塵睇嵐翠如畫障攬林霏於吟鞍翔雙鳬於

闕下佇五馬於日邊人方日以蓬壺之仙吏又奚有故鄉之一拳

兕觥歸趙賦

有序

明許文穆所贈趙文毅兕觥入

國朝流轉數姓而歸於曲阜博士顏衡齋氏文毅五世孫明府者庭趙翁謁覃溪學使謀所以易之者學使作歌并序以達於顏觥遂歸虞山翁徧乞海內詩歌余因爲之賦

嗟斯觥之閱世兮爛洞山幾度之樵柯逾二百年而復歸於趙兮儼神羊一角之峩峩通天辟水不足以媲美兮又

安論黃支之與墮羅古杜黃郛惲可與共舉兮廼今傳海  
虞忠孝之家昔江陵之輔冲主兮饑炙手而莫敢譙呵踵  
奪情之故事兮前江淵李賢而繼有楊廷和際櫓槍之掃  
台垣兮兩詞臣獨不肯以嬖嬰偕拜杖而出國門兮時頽  
陽庶子帳餞而酌香螺曰黃流爲君子壽兮鐫銘辭而不  
磨遞三忠之口澤兮庶東海而又見揚波供冷卿之宴客  
兮曾藏弄於吾禾集古藤之花下兮發尊前之浩歌南與  
北爾觥不脛走兮既好古者之摩挲入魯國之顏巷兮佐  
瓢飲於澗阿惟明德之必有後兮求舊物而在斯川微學  
使爲之作合兮雖玉笋銀船其奈何觥歸來兮神人胥慶

祠指芴兮里鳴珂價連城而不管信之兮煩鬼物守護而  
搗訶緬吾家之少保兮與艾穆鄒元接迹而伏青蒲叶裏  
七首以幘軍府兮竄瘴鄉而遠戍金沙感女忠臣之隨侍  
萬里兮病垂絕復聞喚而甦志匡時而遺文滿篋兮均無  
媿爲聖賢之徒叶矧祖孫之濟美兮爭武陵而再杖鑿坡  
耀江左之門閥兮服習名教而世佩青綢幸報施之不爽  
兮信

王道之無頗培斯民之遺直兮動好懿之吟哦觥乎爾誠  
無遺憾兮比於玉而豈有纖瑕余將訪復菴吳中之行之苗裔  
兮倘玉盃之猶在天涯

頤綵堂文集卷一終